



Platforma za prikupljanje podataka o vrstama je prvi put dostupna i domaćim istraživačima u Bosni Hercegovini. Entuzijazmom i nesebičnim zalaganjem da svoja istraživanja stave u funkciju zaštite biodiverziteta, grupa nevladinih organizacija je u suradnji sa kolegama iz Bosne i Hercegovine, Hrvatske i Srbije pokrenula Biologer bazu podataka o biodiverzitetu Bosne i Hercegovine.

Ova platforma je dostupna na linku <http://biologer.ba/sr-Latn>

Biologer platforma je osmišljena kao digitalni sistem prikupljanja podataka o rasprostranjenosti vrsta. Ova platforma dostupna je svima i svi mogu da učestvuju u kreiranju baze rasprostranjenosti vrsta sa geografskom interpretacijom. Ideja je da svako ko ima telefon može da slika biljku ili životinju i da pošalje podatke u bazu, a ako ne zna o čemu se radi, urednici baze će odgonetnuti vrstu. Baza time dobija novi podatak, a autor fotografije će znati šta je slikao u prirodi. Time zajedno doprinosimo poznavanju rasprostranjenja različitih vrsta u BiH.

Biologer je i svojevrsna enciklopedija znanja o prirodi i baza podataka koja bi mogla pomoći naučnicima i ljudima koji se bave zaštitom prirode. Ovi podaci su vrijedni i mogu biti korišteni za zaštitu ugroženih vrsta, izradu atlasa rasprostranjenja i drugih publikacija koje će unaprijediti znanje o živom svijetu Bosne i Hercegovine i pomoći njegovu zaštitu.

Federalno ministarstvo okoliša i turizma pozdravlja i podržava napore nevladinog sektora i ovim putem poziva javnost da se uključi u razvoj ove platforme na način na koji su to administratori predložili.